



Samtök sveitarfélaga á höfuðborgarsvæðinu

**627. fundur stjórnar SSH**  
**var haldinn í Hamraborg 9, mánudaginn 4. maí 2026**  
**og hófst hann kl. 13:00.**

**Fundinn sátu:**

Heiða Björg Hilmisdóttir, Almar Guðmundsson, Ásdís Kristjánsdóttir, Þorbjörg Gísladóttir, Þór Sigurgeirsson, Þóra M. Hjaltsted, Hildigunnur Hafsteinsdóttir lögfræðingur SSH og Páll Björgvin Guðmundsson framkvæmdastjóri SSH.

**Fundargerð ritaði:** Hildigunnur Hafsteinsdóttir, lögfræðingur SSH

Heiða Björg Hilmisdóttir formaður stjórnar setti fund og gengið var til dagskrár.

**Dagskrá:**

**1. Innviðir á höfuðborgarsvæðinu - 2605001**

Langtímahættumat Veðurstofu Íslands vegna hraunavár á Reykjanesskaga og á höfuðborgarsvæðinu sýnir að hraun getur ógnað byggð, samgöngum, vatnsbólum, raforkukerfum, heitavatns- og kaldavatnslögnum og öðrum innviðum sem þjóna höfuðborgarsvæðinu. Áhrifin geta komið fram bæði innan höfuðborgarsvæðisins og á flutningsleiðum, veitukerfum og þjónustusvæðum utan sveitarfélagamarka.

Nauðsynlegt er að meta hvernig höfuðborgarsvæðið getur starfað sem ein samhfæð heild við undirbúning, forvarnir, mótvægisáðgerðir og viðbrögð við hraunavá.

**Gestir**

Jón Viðar Matthíasson framkvæmdastjóri almannavarnanefndar höfuðborgarsvæðisins.

**Niðurstaða:**

*Stjórn SSH samþykkir að stofna verkefnahóp til undirbúnings verkefnis um ómissandi innviði í tengslum við skýrslur sem Veðurstofa Íslands vinnur að um eldfjallavá á höfuðborgarsvæðinu. Tekið skal mið af því að höfuðborgarsvæðið er eitt samtengt þjónustu- og innviðasvæði, óháð sveitarfélagamörkum. Í verkefnahópnum skulu sitja framkvæmdastjóri SSH, framkvæmdastjóri almannavarnarnefndar höfuðborgarsvæðisins, auk sérfræðinga aðildarsveitarfélaganna og utanaðkomandi verkfræðiaðstoðar eftir þörfum.*

*Markmið verkefnisins verði að skapa yfirsýn yfir ómissandi innviði á svæðinu, meta hve berskjaldaðir þeir eru gagnvart eldfjallavá og leggja grunn að forgangsriðun mótvægisáðgerða og frekari greiningu. Lögð verði áhersla á samráð við sveitarfélögin á höfuðborgarsvæðinu, almannavarnanefnd höfuðborgarsvæðisins og rekstraraðila ómissandi innviða.*

**2. Sérskóli á höfuðborgarsvæðinu - Sóknaráætlun 2025 - 2502016**

Áframhald umræðu frá 626. fundi og undirbúningur viljayfirlýsingar um samstarf sveitarfélaganna vegna uppbyggingar sérskólaúrræða á höfuðborgarsvæðinu.



Samtök sveitarfélaga á höfuðborgarsvæðinu

Fyrirliggjandi til umræðu eru drög að slíkri yfirlýsingu.

#### **Gestir**

Hanna Borg Jónsdóttir verkefnastjóri farsældarráðs höfuðborgarsvæðisins.

Steinn Jóhannsson formaður skólamálanefndar SSH og sviðsstjóri skóla- og frístundasviðs Reykjavíkur.

#### **Niðurstaða:**

*Umræður. Skrifstofu SSH er falið að vinna áfram að málinu og fyrirliggjandi drögum að viljayfirlýsingu til samræmis við umræður fundarins. Málið verði tekið fyrir að nýju á aukafundi stjórnar 11. maí nk.*

### **3. Álag í skólastarfi - ástæður og úrbætur - Sóknaráætlun 2025 - 2502015**

Drög að skýrslu um "Álag í skólastarfi? Ástæður og úrbætur" sem var eitt af áhersluverkefnum sóknaráætlunar 2025 liggja fyrir. Á 625. fundi var skrifstofu SSH falið að senda skýrsludrögin til Skólamálanefndar SSH til frekari umræðu og yfirferðar á mögulegum tillögum og aðgerðum á grundvelli þess sem þar kemur fram. Drög að tillögum skólamálanefndar, dags. 4. maí 2026, um forgagnsröðun tillagna um úrbætur liggja nú fyrir.

#### **Gestir**

Hanna Borg Jónsdóttir verkefnastjóri farsældarráðs höfuðborgarsvæðisins

Steinn Jóhannsson formaður skólamálanefndar SSH og sviðsstjóri skóla- og frístundasviðs Reykjavíkur

#### **Niðurstaða:**

*Formanni skólamálanefndar í samráði við skrifstofu SSH, er falið að vinna áfram að fyrirliggjandi drögum að tillögum um forgagnsröðun og taka samtal um þau við skýrsluhöfunda. Er fulltrúum í skólamálanefnd falið að undirbúa kynningu skýrslunnar og fyrirliggjandi tillagna á vettvangi aðildarsveitarfélaganna í maí.*

### **4. Fyrirkomulag almenningssamgangna ríkis og sveitarfélaga á höfuðborgarsvæðinu - 2409007**

Umræður um stöðu mála er varðar fyrirkomulag almenningssamgangna á höfuðborgarsvæðinu. Einnig þarf að ákveða stund og fyrirkomulag á undirritun þjónustusamnings ríkis og sveitarfélaga við Almenningsamgöngur höfuðborgarsvæðisins ohf. en hann hefur verið samþykktur af öllum hlutaðeigandi sveitarstjórnnum.

#### **Niðurstaða:**

*Umræður. Farið yfir stöðu yfirfærslu eigna milli Strætó bs. og Almenningsamgangna ohf. Undirritun þjónustusamningsins fer fram á næstu dögum.*

### **5. Samgöngusáttmálinn - Verkefni - 2003010**

Umræða um sameiginlegan skilning/yfirlýsingu er varðar ráðstöfum ábata af lóðum sem kunna að verða til vegna framkvæmda samgöngusáttmálans s.s. vegna stokka- eða gangnaframkvæmda.

#### **Niðurstaða:**

*Umræðum frestað. Málið verði tekið fyrir að nýju á aukafundi stjórnar 11. maí*



Samtök sveitarfélaga á höfuðborgarsvæðinu

nk.

#### 6. PANT akstursþjónusta - 2405005

Á 612. fundi var stjórn Pant akstursþjónustu falið að greina árangur af núverandi samstarfi, kosti þess og hagkvæmni ásamt því að skoða og meta þá sviðsmynd að sveitarfélögin á höfuðborgarsvæðinu hafi öll samstarf um þjónustuna. Drög að skýrslu um þá skoðun voru lögð fram til kynningar á 626. fundi og ákveðið að taka málið fyrir að nýju á næsta fundi stjórnar. Fyrirliggjandi eru uppfærð drög að umræddri skýrslu. Jóhannes Rúnarsson kynnir.

##### Gestir

Sturla Halldórsson deildarstjóri Pant.

Jóhannes Rúnarsson framkvæmdastjóri Strætó bs.

##### Niðurstaða:

*Umræður. Stjórn Pant er falið að undirbúa innkaupaferli annars vegar miðað við óbreytta þátttöku sveitarfélaganna og hins vegar miðað við þær forsendur að um sameiginlegt verkefni allra sveitarfélaganna verði að ræða.*

#### 7. Umsagnir þingmála - 1910005

Tillaga til þingsályktunar um fjármálaáætlun fyrir árin 2027-2031 er nú til meðferðar Alþingis en umsagnarfrestur um hana rennur út 4. maí. Fyrirliggjandi til samþykktar eru drög að umsögn SSH.

##### Niðurstaða:

*Samþykkt.*

Ásdís Kristjánsdóttir bæjarstjóri Kópavogs fór af fundi.

#### 8. Móttaka barna með fjölbreyttan menningarbakgrunn -Sóknaráætlun 2024 - 2404003

Á 619. fundi var áfangaskýrsla um móttöku barna með fjölbreyttan menningar- og tungumálabakgrunn lögð fram til kynningar. Skýrslunni var þá vísað til umfjöllunar Skólamálanefndar SSH sem var falið að móta nánar útfærslu tillagna á grundvelli hennar. Minnisblað skólamálanefndar dags. 27. mars 2026 er fyrirliggjandi. Lagt er til að skrifstofu SSH verði falið að greina það nánar og gera tillögur um áframhaldandi vinnslu málsins.

##### Niðurstaða:

*Samþykkt.*

#### 9. 50 ára afmæli SSH - 2604007

Samtök sveitarfélaga á höfuðborgarsvæðinu urðu 50 ára 4. apríl sl. Til umræðu og skoðunar er að efna til viðburðar í tilefni þess.

##### Niðurstaða:

*Umræður. Afmælisviðburður verður haldinn í formi hátíðarráðstefnu föstudaginn 28. ágúst 2026.*



**10. Skíðasvæðin -Rekstur - 2205009**

Fyrirliggjandi til kynningar er fundargerð 436. fundar samstarfsnefndar Skíðasvæða höfuðborgarsvæðisins dags. 22. apríl 2026 ásamt fylgiskjölum. Fyrirliggjandi til kynningar er fundargerð 437. fundar samstarfsnefndar Skíðasvæða höfuðborgarsvæðisins dags. 22. apríl 2026 ásamt fylgiskjali þar sem gerð er tillaga um að verkefnahópi um uppbyggingu á skíðasvæðasvæðum höfuðborgarsvæðisins verði falið að hefja vinnu við að kortleggja þarfir vegna uppbyggingar innviða í Skálafelli með forgangsroðun og framtíðasýn svæðisins að leiðarljósi.

**Niðurstaða:**

*Lagt fram til kynningar. Framangreind tillaga er samþykkt og verkefnahópi um uppbyggingu á skíðasvæðasvæðum höfuðborgarsvæðisins falið að hefja vinnu við að kortleggja þarfir vegna uppbyggingar innviða í Skálafelli með forgangsroðun og framtíðasýn svæðisins að leiðarljósi.*

**11. Höfuðborgargirðing - 1508001**

Fyrirliggjandi til kynningar er samningur um viðhald og eftirlit vörslugirðingar höfuðborgarsvæðisins, sbr. bókun 625. fundar en þá var framkvæmdastjóra veitt umboð til undirritunar hans.

**Niðurstaða:**

*Lagt fram til kynningar.*

**12. Svæðisskipulagsnefnd fundir nefndarinnar - 2003003**

Fyrirliggjandi til kynningar er fundargerð 143. fundar svæðisskipulagsnefndar dags. 13. febrúar 2026.

Fyrirliggjandi til kynningar er fundargerð 144. fundar svæðisskipulagsnefndar dags. 20. mars 2026.

Fyrirliggjandi til kynningar er fundargerð 145. fundar svæðisskipulagsnefndar dags. 10. apríl 2026.

**Niðurstaða:**

*Lagt fram til kynningar.*

**13. Önnur mál - 2110011**

Næstu fundir stjórnar SSH eru boðaðir 18. maí og 1. júní. Ræða þarf hvort gera eigi breytingar á því fyrirkomulagi vegna kosninga.

Umræður um fyrirkomulag utankjörfundaratkvæðagreiðslu vegna sveitarstjórnakosninga.

**Niðurstaða:**

*Næstu fundir stjórnar SSH verða boðaðir mánudaginn 11. maí og mánudaginn 15. júní. Fram að 15. júní verði fundir haldnir eftir þörfum.*



Samtök sveitarfélaga á höfuðborgarsvæðinu

**Fleira ekki gert. Fundi slitið kl. 15:00.**

Skjal sótt af '00000000000' dags: 19.08.2026